

872 926

Bosna i Hercegovina
Federacija Bosne i Hercegovine
KANTON SARAJEVO
Ministarstvo za obrazovanje, nauku
i mlade



Bosnia and Herzegovina
Federation of Bosnia and Herzegovina
CANTON SARAJEVO
Ministry for Education, Science and
Youth

Broj: 11-05-38-3581-2/18
Sarajevo, 27.3.2019. godine

SKUPŠTINA KANTONA SARAJEVO
n/r Elmedina Konakovića, predsjedavajući Skupštine Kantona Sarajevo
-ovdje-

PREDMET: Odgovor na zastupničko pitanje

Na Petoj radnoj sjednici Skupštine Kantona Sarajevo, održanoj 27.2.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, zastupnik Haris Pleho je postavio sljedeća dva zastupnička pitanja:

1. Molim da mi odgovorite šta namjeravate poduzeti da se ukine Odluka Školskog odbora Srednje škole poljoprivrede, prehrane, veterine i uslužnih djelatnosti koja je omogućila da direktor škole koristi putničko vozilo škole u trajanju od 24 sata?
2. Molim Vas da ispitajte kako je direktor škole bez objavljivanja konkursa za radnike koji su otišli u penziju u decembru mjesecu, zaposlio jedan broj radnika na ta mjesta? Poznato je da je direktor u januaru mjesecu mogao raspisati konkurs, a ne da se to uradi kroz privatno zapošljavanje do 6 mjeseci.

ODGOVOR

Ministarstvo je zatražilo izjašnjenje Predsjednika Školskog odbora i direktora Srednje škole poljoprivrede, prehrane, veterine i uslužnih djelatnosti, u vezi sa dostavljenim zastupničkim pitanjima.

U prilogu akta, dostavljamo Vam odgovore predsjednika Školskog odbora i direktora spomenute škole, iz kojih je evidentno da je pitanje korištenja putničkog automobila škole i u prethodnom periodu, bilo predmet rada Ureda za borbu protiv korupcije i upravljanje kvalitetom, te da nezakonite radnje nisu pronađene.

U vezi sa odgovorom na drugo pitanje, konstatujemo da je u članu 125. Zakona o srednjem obrazovanju („Službene novine Kantona Sarajevo“, broj: 23/17), navedeno, citiramo: „Radnici u srednjoj školi u hitnim, odnosno vanrednim slučajevima, mogu biti angažirani na određeni vremenski period, koji ne može biti duži od šest mjeseci, pod uvjetom da se upražnjeno radno mjesto ne može popuniti u skladu sa članom 123. ovog zakona“.

Procjena Škole i Predsjednika Školskog odbora je bila da je potrebno iskoristiti citiranu zakonsku odredbu, jer se radi o pozicijama nastavnik Matematike i nastavnik Latinskog jezika, koja su deficitarna zanimanja, te kako ne bi trpio redovan nastavni proces, Škola je angažovala nastavnika Matematike i nastavnika Latinskog jezika na spomenuti način.

S poštovanjem,



MINISTRICA

Mr. Ziljeta Bogunić



Prilozi: Odgovor Predsjednika Školskog odbora
Odgovor direktora škole

web: <http://www.monks.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1





KANTON SARAJEVO
21-03-2019

Broj:02-08- 1472/19
Dana, 20.03.2019.godine

KANTON SARAJEVO
MINISTARSTVO ZA OBRAZOVANJE, NAUKU I MLADE

Predmet: Odgovor na zastupničko pitanje Pleh Harisa

U vezi sa vašim dopisom broj:11-05-3581-1/19 od 13.03.2019.godine (škola zaprimila 19.03.2019.godine) Predsjednik Školskog odbora JU Srednje škole poljoprivrede, prehrane, veterine i uslužnih djelatnosti Sarajevo se, nakon održane sjednice od 20.03.2019.godine u toku koje su između ostalog razmatrana zastupnička pitanja Pleh Harisa, očituje na dva zastupnička pitanja.

U vezi sa prvim zastupničkim pitanjem koje glasi:

“1) Molim da mi odgovorite šta namjeravate poduzeti da se ukine odluke školskog odbora Srednje škole poljoprivrede, prehrane, veterine i uslužnih djelatnosti koja je omogućila da direktor škole koristi putničko vozilo u trajanju od 24 sata.”

Obavještavamo vas o sljedećem:

Školski odbor JU Srednja škola poljoprivrede, prehrane, veterine i uslužnih djelatnosti radi u skladu sa članom 143. Zakona o srednjem obrazovanju (“Sl.novine Kantona Sarajevo” broj:23/17), te osigurava djelotvorno i efikasno korišćenje svih resursa škole i brine se o zakonitom radu škole i njenih organa.

Škola je u skladu sa zakonom o javnim nabavkama, 2012. godine kupila automobile i njime upravlja direktor škole ili osoba koju direktor ovlasti. Korišćenje automobila 24 sata je odobreno u cilju što kvalitetnije realizacije nastavnog procesa (praktična nastava).

Upravljanje školskom imovinom, u koju spada i korišćenje automobila, se radi po propisima. Između ostalog uredno se vrši vođenje putnog naloga kao i evidencija potrošnje goriva.

U vezi sa drugim zastupničkim pitanjem koje glasi:

“1) Molim vas da ispitajte kako je direktor škole bez objavljivanja konkursa za radnike koji su otišli u penziju u decembru mjesecu zaposlio jedan broj radnika na ta mjesta. Poznato je da direktor u januaru mjesecu mogao raspisati konkurs, a ne da se to uradi kroz privatno zapošljavanje do 6 mjeseci.”

Obavještavamo vas o sljedećem:

Za upražnjena radna mjesta za koje je škola imala potrebu u školskoj 2018/2019 godini (penzija, bolovanje) upućen je zahtjev za dobijanje saglasnost za raspisivanje javnog konkursa.

Bosna i Hercegovina
Federacija Bosne i Hercegovine
Kanton Sarajevo

IV Srednja škola poljoprivrede, prehrane,
veterine i uslužnih djelatnosti - Sarajevo



High School of Agriculture, Food
Processing, Veterinary and Service Industry
- Sarajevo

Na osnovu procjene da se neće moći u adekvatnom vremenu završiti konkursnu procedure, zbog početka drugog polugodišta školske 2018/2019 godine, komisija za tehnološki višak u kojoj radi i direktor je donijela odluku da direktor postupi u skladu sa članom 125. Zakona o srednjem obrazovanju ("Sl. novine Kantona Sarajevo" broj:23/17), a da se za dva radna mjesta (nastavnik/ca Matematike i nastavnik/ca Latinskog jezika) za koja se iz iskustva prethodnih konkursnih procedura znalo da neće biti kandidata koji ispunjavaju uslove konkursa, nakon dobijene saglasnosti, raspíše Javni konkurs za popunu upražnjenih radnih mjesta u školskoj 2018/2019 godini.

S poštovanjem,



Predsjednik Školskog odbora:


(gosp. Fatić Fadil)

Dostaviti:
-Naslovu
- a/a



BOSNA I HERCEGOVINA
Federacija Bosne i Hercegovine
KANTON SARAJEVO

21-03-2019

Org:	Podr:	Red:
11	05	3581-1

Broj:02-08- 1472 /19
Dana, 20.03.2019.godine

KANTON SARAJEVO
MINISTARSTVO ZA OBRAZOVANJE, NAUKU I MLADE

Predmet: Odgovor na zastupničko pitanje Pleh Harisa

U vezi sa vašim dopisom broj:11-05-3581-1/19 od 13.03.2019.godine (škola zaprimila 19.03.2019.godine) u kojem tražite da se očitujemo na dva zastupnička pitanja Pleh Harisa.

U vezi sa prvim zastupničkim pitanjem koje glasi:

“1) Molim da mi odgovorite šta namjeravate poduzeti da se ukine odluke školskog odbora Srednje škole poljoprivrede, prehrane, veterine i uslužnih djelatnosti koja je omogućila da direktor škole koristi putničko vozilo u trajanju od 24 sata.”


Obavještavamo vas o sljedećem:

Srednja škola poljoprivrede, prehrane, veterine i uslužnih djelatnosti prema svojoj organizaciji i funkcionalnosti predstavlja jednu od složenijih obrazovnih ustanova.

U školi se obrazuju učenici iz četiri oblasti i 11 zanimanja.

Škola već devetnaest (19) godina radi po EU-VET programu koji podrazumjeva sinergiju između teorije i prakse. Za sva zanimanja škola ima odgovarajuće radionice : pekaru, mesaru, mljekaru, gljivaru, frizerski salon, kozmetički salon i školsko poljoprivredno imanje u Sokolović koloniji. Osim navedenih školskih resursa škola saraduje i sa partnerima (fabrike, poljoprivredni fakultet, veterinarski fakultet, zavodi- agropedološki i poljoprivredni, devet veterinarskih stanica, poljoprivredne apoteke, rasadnici cvijeća, trideset frizerskih salona, mesare, pekare, cvjećare, ukupno 108 mjesta za izvođenje praktične nastave).

Naprijed navedeno predstavlja poseban izazov za organizaciju i provođenje što kvalitetnijeg nastavnog procesa.



Škola je u skladu sa zakonom o javnim nabavkama, 2012. godine kupila automobil. Vozilom upravlja direktor škole ili osoba koju direktor ovlasti.

Kao primaran razlog korišćenja automobila 24 sata jeste:

- realizacija pomenutog nastavnog procesa i veća mogućnost direktora škole za što boljom kontrolom navedenog nastavnog procesa u svakom trenutku.

Kao sekundarni razlog korišćenja automobila 24 sata jeste:

- škola nema vozača koji bi upravljao vozilom, niti ima garažu koja bi se koristila za parkiranje. Jedino mjesto koje se može koristiti za parkiranje automobila jeste školsko dvorište.

Treći razlog korišćenja automobila 24 sata jeste:

- procjena direktora škole da nije sigurno automobil, kao školsku imovinu, ostavljati u školskom dvorištu bez nadzora. Posebno sa aspekta nedavnog otuđenja dvije nadzorne kamere, kao i sa aspekta mogućnosti namjernog oštećenja iz razloga revanšizma nezadovoljnih stranaka - osoba koje su imale određene interese prema školi.

Upravljanje školskom imovinom, u koju spada i korišćenje automobila, se radi po propisima. Između ostalog uredno se vrši vođenje putnog naloga kao i evidencija potrošnje goriva.

Po ovom i sličnim pitanjima smo već ranije imali prijave i tom prilikom je bila angažovana budžetska inspekcija kao i Ured za borbu protiv korupcije i upravljanje kvalitetom. Nakon izvršenog pregleda dokumentacije za vremenski period 2012.-2016. godina, utvrđeno je da nije napravljen niti jedan propust.

U vezi sa drugim zastupničkim pitanjem koje glasi:


“1) Molim vas da ispitajte kako je direktor škole bez objavljivanja konkursa za radnike koji su otišli u penziju u decembru mjesecu zaposlio jedan broj radnika na ta mjesta. Poznato je da direktor u januaru mjesecu mogao raspisati konkurs, a ne da se to uradi kroz privatno zapošljavanje do 6 mjeseci.”

Obavještavamo vas o sljedećem:

Nisu tačni navodi da su tri penzionera otišli u decembru mjesecu. Dva penzionera su nakon korišćenja godišnjeg odmora za 2019. godinu prestala sa radom 21.02.2019. godine, a treći penzioner je

Bosna i Hercegovina
Federacija Bosne i Hercegovine
Kanton Sarajevo

JU Srednja škola poljoprivrede, prehrane,
veterine i uslužnih djelatnosti - Sarajevo



High School of Agriculture, Food
Processing, Veterinary and Service Industry
- Sarajevo

28.02.2019.godine navršio 65 godina života i stekao uslov za odlazak u penziju.

Za navedena i druga radna mjesta za koje smo imali potrebu u školskoj 2018/2019 godini (penzija, bolovanje) uputili smo zahtjev kako bismo dobili saglasnost za raspisivanje javnog konkursa.

Na osnovu procjene da nećemo u adekvatnom vremenu završiti konkursnu proceduru, zbog početka drugog polugodišta školske 2018/2019 godine, komisija za tehnološki višak je donijela odluku da direktor postupi u skladu sa članom 125. Zakona o srednjem obrazovanju ("Sl. novine Kantona Sarajevo" broj:23/17), a da za dva radna mjesta (nastavnik/ca Matematike i nastavni/ca Latinskog jezika) za koja smo iz iskustva prethodnih konkursnih procedura bili sigurni da neće biti kandidata koji ispunjavaju uslove, dobili smo saglasnost i raspisali javni konkurs.

Napominjemo da je škola pod redovnim nadzorom inspekcija pa i po pitanju upošljavanja.

S poštovanjem,



[Handwritten signature]
Direktor:
[Redacted]
(mr. Alić Suad)

Dostaviti:
- Naslovu
- a/a